

**Ursprung des rechten
 löblichen Adels vnd des Heyligen Römischen
 Reichs Teütscher nation / durch
 Hartman Teütschold vor Jaren /
 Keyserlichen Herolt trewlich
 vnd wol beschriben / allein
 im beschluß yetzt ein
 wenig gebessert**



*Ad
 Bibl.
 Avar.
 Land.*

Amor

**Ursprung des rechten
Löblichen Adels vnd des heyligen Römischen
Reichs Teütscher Nation / durch
Hartman Teütschold vor Jaren/
Kaiserlichen Herolt trewlich
vnd wol beschriben / allein
im beschluß yetzt ein
wenig gebessert.**

Sind nit alle lobsam vnd Edel / welche gemeinlich Edel genennet werden / vnd von hohem stamien herkommen / Sunst were Lucius Sylla / der schendlich Tyrann / auß dem Edlen geschlecht Corneliorü / der Publius Clodius / vñ den Claudijs dem mit fleischlicher begird niemand gleich / vnd der Catilina / von den tapffern Sergijs geborn / Welcher voller auffrur / vnd fürsatz / vber das Vatterlandt zuherrschen ward / die aller Edelsten / das aber weyt felet / Wiewol etlich hoch verstendig / vnter denen Aristoriles auch ist / die ihenigen für Edel achten. Deren voreltern mit tugend / vnd Keychthumb begabt gewesen / Ich sag aber / vnd ist war / Des auch die aller vernünfftigsten als Plato / Cicero / vnd ander mit im aynig seyen / Das der Recht Lobwürdig Adel / nit anderst was herrürt /

dann von tugend / vnd gar nit von vilhabe vnd Reichthumb / auch nit so gar von grossem stamien / Gleichwol hats nicht ein wenig ansehens / wann einer von herrliche grossen geschlecht entspringt / vñ den Adel gleichsam erbet. Als da einer Landt fürstlichs Grauens ic. stands / oder eines Burgermeysters / inn einer dapffern Stat / Sune ist / Dann die gebürt thut etwas vnd vil / als man auch in den vnermünfftigen Thiern spüret / Wann jemand ein Kopf / Hundt / oder der gleychen kauffen will / wist er gern / ob es von gutem gestuete / bescheel / oder fradigen gehundt erzeugt worden. Aber mit dem menschen ist vil anderst geschaffen / Dann ob wol die Edlen Römer / Camilli / Fabij / Aemilij / Cathones / Scipiones / vñ ander / von iren Edlen stamien / ein angeborne Tugend empfangen / Vnd dadurch dem gemainen nutz / stattlich vor zusein / vnd zuerweytern / entzündt gewest / so wert sie doch lang nit durch iren Adelichen vrsprung / inn die hohe achtung / vnd ansehen kummen / das ine die Römer grosse staynene Säuln / mit schrifften irer streytbarn lobwürdigen gethaten / zu ewiger gedechtnus / auch bey irem leben / hetten auffgericht / wo sie nit mit der that kein mühe / arbeyt / noch schweyß geflohen / vnd ir leyb / hab / gut / vnd blüt / zuschirmung / des Vatterlandts dargeferzt / Gleichwol thut auch etwas / das Kerliche Edel Eltern / ire Kindt / gern vnd gemeinlich / zu Kerlichen sachen ziehen / vnd sie mit den auffgehungen Schilten / vnd Bildnissen der alten / zur tugend raizen / Ererbet dann einer vil Landt / leüt / habe vnd guts / so kan er die mülig

Keyt / vnnnd gebreiche handt / als ein fürneme tugendt / in
 sunderheyt / der Reichen / gegen den freündten / vnd dörf-
 tigen des bas auffthun / vñ erzaigen / welche tugent / in sol-
 licher gestalt / der Arm ob er gleich klug / vnd weyß ist nit
 würckē kan / vñ verdirbt / oder verligt manchem sein war-
 hafter Adel allain / von seiner armut wegen / Wie dann
 der Poet sagt / Nit leichtlich künien die vbersich / deren tu-
gendt die armut wider strebt / Plautus vnd Lactantius
 warn frum / gescheyd / vnd gelert / Aber so arm / das der
 aine offtmals im hauf mangel litte / Der ander wo jme
 von der studierung zeyt vbrig / die handt oder stampff-
 Müle / von essens wegen vmbtrib. So sagt man wer nit
gelt / ja des nit vil hab / der könne nit kriegen / dann gelt sey
die Adler des Kriegs / Nun kriegen allein die Edlen
 vnd grossen Reichen Herrn / ja dieselben Pawen / köstbar-
 liche zierliche Palast / Lustgarten / Begrebnußen zc. Alles
 zu ewiger gedechtnuß / wer wolt dann anders gedencken
 dann das der Adel / auff dem geblüt vnd Reichthumb
 fusset / vnd ruhet / fürwar das hat ein ansehen / vnd ist
 wol etwas / Aber wer waiß dargegē nit / das Caius Ca-
ligula / der köstliche gepew / dem gemainen nutz zu gutem
gethon / Das Claudius / den Port oder anfar zu Rom / Die go.
 auff seinen costen erparwen / Das Nero ein Guldin hauf ^{die ge}
 Bäder / vnd lustheuser auffgericht / alle von Edlen ^{maier}
 tern geborn sind / das sie auch vberflüssig Reich geweste ^{ke ma}
 Wo ist aber yemalen / ein grausamere grimmigere / Bestia ^{ser la}
 vnd wunderthier auff erden / als die yetzt erzelten Thy-
 rannen / ye gesehen worden / Hat dann die gebürt vnd

Reichthumb / keinen Adel / inn disen personen gewürck /
 so muß auch etwas anders den menschen Adlen / weder
 der stammen vnd Reichthumb / was ist das / es ist der
 Adel sagt Plato / Ein herrlicheyt / die anderst nicht her-
kumbt / dan von der tugendt / dadurch wir das böß vom
guten / vñ das werde / von dem vnwerden vnterschaiden /
Vnd mit kurtz zu erzelen / Wen gute / kunst / vnd sieten / da-
 hin führen / ja wen die gnad von oben herab / vom Vater
 des liechts gegeben ist / das er die gerechtigkeit / güttigkeit
 sterck / mildigkeit / vnd bestendigkeit / liebhaben / vnd vn-
 uerwürckē üben / Neyd / haß / Rachgirikkeit / vnd ander
laster meyden kan (welchs nit allen gemain ist) War-
umb solt der selb nit Edel sein / wie kōndt vnnnd möcht
 auch der Edel gehayssen werden / der on alle lere / kunst
 vnd erfahrung / sich den fleyischlichen begir den / vngerech-
 tigkeit / gotlosen sachen vnd bößheyt gefangen gebe / für-
 war ein solcher würd billicher / ein laur vnd süß genennt /
 Also redet Cicero von Anthonio / vnnnd Cathilina / Nit
nichten sagt er / sind sie vom geschlecht so Edel / als von
lastern berümbt / dann des Adels aygenschaft / ist der
gerechtigkeit anzuhängen / sich Erlicher sachen zu stre-
en / die begir den zu herschen / den geitz zuzemen zc. Wel-
 cher das thüt / ob er auch von nidersten Eltern geborn
 were / hieser dannoch billich Edel / darumb ist ein gleiche-
 aynige vrsach / vnd Rechnung (sonil die vernunfft an-
 trifft) inn der Keychen vnnnd armen kinder / kumbt vil-
 maln von gewaltigen Eltern / ein Pürer lapp oder thor /
 vñ von einem Hirtē ein weiser edler man / also das allein

Exempel drey / so durchs Jahr kommen zu Jo.
Johann Adel festigen.

die laster / vnd tugende einen Edler fals den andern ^{Fund}
vnd mit die geburt macht / welches öffentlich an dem So- ^{vnd}
erate erscheyndt / der ist keyn hochgebomer Bürger / keyn ^{er}
Kitter gewesen / den auch die weysheyt nit angenummen / ^{Socr.}
sunder Edel gemacht / welchen kein geleter oder kluger / ^{tes.}
nach des Appollonis vireyl / mit scherpf der vernunft
vnd tugend / ye vbertrossen hat / dessen Mütter ein He-
samme / vnd sein Vater ein Stainmetz war. **Seruius** ^{Scip.}
Tullius / im dienstbarkeyt geborn vnd erzogen / ist zu be- ^{Tullig.}
sitzung des Römischen Reichs / durch sein tugendt kum-
men / hat drey mal von den vberwunden feinden Triuma-
phiert / vnd freuden spil gefürt / die Stat Rom / gar herr-
lich gemert / vnd sich also erzeigt / das ime an Adeltichen
thaten vnd suten / nichts gemangelt. Was sol ich sagen von
Tullio Hostilio / der auß einem Hirten haus geborn / her- ^{Tullius}
nach mit hohen Eren vnd Titul / zum Römischen Kün- ^{Hostilio.}
tig gemacht ist / Darumb sol der alt vnd hochstammen /
vnsere voretern / vns nichts für tragen / noch Aden / wann
wir gleich in Guldin vnd Seydingwand geklaydt / fres-
sen / sauffen / fleyschlicher Begirde / Tyranney / neyd vnd
haf leben / welches alles der Adlicheyt grad / entgegen vn-
widerwertig / Auß diser vsach / ist der erkauft oder er-
pfelet Adel vnd brieff / einer vnrwissenheyt / vnd rhorheyt
gleych / vnd billich zuverlachen / vil mer sind die ihemigen
spotswürdig / welche durch Heyrat vermainen Edler
als sie vor gewesen / vnd bey andern anschenlicher zuwer-
den / dieweyl das weiß jren Adel vnd Kum vom Mann
ale dem haubt / vnd nit der man vom weyb haben soll.

Das der Adel vns hieher fortkom.

vermöge der geschribē Recht / Aber von Kunst / tugend vnz-
streytbarer gehalten wegen / yemand mit Adels zeichen
als Wappen / Halsband / Ketten / Ring vnd der gleichen
zubegaben / vnd der tugend ein belouung zusetzen / kan nit
anderst / dann löblich sein / damit die Helden auß den ver-
zagten / die geleerten / frummen / auß vnartigen sauln beischen
vnterschieden / vnd erkent werden / wer außserhalb erzelt-
ten vsachen / sich des Adels nemmet / der wiß / das er nit
sein person / sunder ein andere tregt / vnd sich also mit
freindsden entlehenden Federn bekleydet / was thu ich an-
derst / wann ich mich in einer Eltern herrlichen thaten /
zierlichen Palast / mit Bildern / gezierte lustheisere etc. rü-
me / dann das ich den leiten / ein verwunderung mach /
meinen Adel bezeüg ich ye nit damit / ja wann ich auch
also lebte / als die selben löblichen verstorben / so würd man
mich Edel haiffen / ob ich gleich meiner Eltern gut / lobe
vn geschray / nit hörte noch wißt / **Wer wolt den C. Ma-**
rium / der doch arm ward / vmb seiner herrlichen gethat-
ten wegen nit Edel sprechen / vnd nennen / wann er nit zu
letzt / mit der sucht / vnd begirde / vber das Vatterlandt zu
herrschen / beladen worden / das dann der Adel notwen-
diglich allein auß der tugendt herfleußt / mag leychtlich
auß der cynigen vsach verstanden werden / das grosser
Edler Herrn Sone / sich offtmal entadelt / vnd schendt-
lich erzaigt / Als im des Scipionis Africani Sone er-
schijnen / der sein leben mit Betteln / oder zu vil flechlich in
bitten / von dem Antiocho wider der Römer gebrauch
erhalten / Des C. Fabbij misratner Sone / lebte der

Begierlich/Brünstig/vñ vnmesſig/dz sich ſein/da er enterbt
 wurd/niemandt erbarmbte/ich geſchweyg des Q. Hor-
 tenſij Sone/der mit beſuchung/der Wirts vnd Frawen-
 heuſer /biß zu erſchöpfung vñd auſtilgung Kerlich-
 hauſhaltens/vnd aller Erberkeyt geriette / Der wegen
 Quidius/nit vnrecht ſagte/der Adel / das geſchlecht/die
 voreltern/vñ was wir nit ſelbs gethan habē/iſt nit vnſer
 wir ſollen vns des ſelben nit rühmen/ Vnd wie der Sa-
 tiricus ſagt / was hilfft der ſtammen / die Bildnus der
 alten/die Triumphierenden Aemilianj./ Bruſtbilder der
 Curij etc. wann wir /den vnuernüfftigen thieren gleich-
 leben / will man aber ſagen / wer wolt diſen oder jhenen
 hochgebomen nit für edel erkennen / ob er gleich vnartig
 vñd vntugentlich lebte / darauff iſt hienor geantwort/
 vnd des noch mer / das des vnwiſſenden Pöuels / vñd
 volcks vteyl/gemainlich falſch/weyt von der vernunfft
 iſt vñd in irthumb ſüret/würdt dann gefragt/wie mag
 ſich die armut mit dem Adel vergleichen / oder wie kan
 doch ein armer für Edel gehalten werden? Vermag er
 doch nit bracht oder mildt zu ſein? welchs die fürtreff-
 fenlichſt tugendt/des Adels iſt? Antwort/es iſt ein an-
 ders Edel / vñd ein anders Reich ſein / wiewol es auch
 Bedes wol vnd recht Beysamen ſtehen mag/Arm an zeyt-
 lichem gut ſein/iſt kein ſchand/aber Bettlen vnd von hauß
 zu hauß geen/iſt ſchendlich/ Der gewin groſſes guts/hat
 ſeinen natürlichen vſprung/von der armut/Was iſt das
 Geſätz der natur anders/ dann nit hunger / nit dürſt noch
 froſt

Was wenig hat man arm - Beispiel der vñdigen
 froſt leyden müſſen? Wer ſolchs vermag /darff ſich nie
 vor der Reichen thüre ſetzen/nit das krumm angeſicht noch
 ſcheltwort / der haußherren dulden / vñd füret ein Ker-
 lichs leben / wellichs die fröliche armut genennt würdt/
 dann wer ſich betragen / vñd Benügen mag laſſen /der iſt
 Reich / vñd doch nit der / der wenig hat / ſunder der we-
 nig begert/ſoll für Reich geacht werden / welcher natür-
 lich lebt /der würdt nit arm / wer aber nach der Begier-
 licheyt lebt/würdt nimmer Reich / auf vſach/ das der
 geiz/nimmer zue erfüllen/Aber der verächter/des Reich-
 thumbs im grundt / Edel weder der beſitzer iſt / Aber
 wir werden durch falſchen won verſüret/in dem wir die
 armut/ſo ſeer haſſen / welchs aber der alten Edlen Kö-
 mer mainung / gar nit geweſen / denen nit minder lob
 auf jrer armut/dann auf jren Adlichen thaten/vnd re-
 gierung erfolgt. Menenius Agrippa der treffentlich
 ſchiedrichter zu Rom/het vor armut nit mögen zur erden
 beſetzt werden / wo man nit ein gemeine anlage deſhalb
 gemacht. Valerius Publicola / der zum dritten mal das
 Bürgermeyster ampt getragen / hat müſſen von gemai-
 nem gut / Kerlich begraben werden/vnd nichts dann ſei-
 nen herrlichen namen / nach jme verlaſſen. Cincinnatus/
 ward von der Pflug arbeyt / zum oberſten Richter der
 Stat Rome genummen / vñd hat mer Eere vñd preyß/
 auf der armut / dann vberwindung der Feindt / die er
 doch offtmals erlegt /erlangt / ſein vermögen iſt geweſt
 ſiben jauchart Felds / die er nach volbrachtem ſeinem
 herrlichen ambt / ſelbs pawet/Wie lobwürdig dann Ar-

Magel ist die ...
Don ...
Der ...
tilius Seranus gewesen / der seinen namen vom seen oder
der saat empfangen / den alle Geschichtschreyber rühmen /
ist vnaussprechlich / welcher auß dem Affricanischē Krieg /
anhayms begerte / seinen Acker zupawen / zu auffenthalt
seines Weybs vnd Kindt. Scipio der theur Held bat
auch vmb vrlaub anhayms zuziehen / damit er sein
Tochter verheyraten möcht / damit aber ein Rath zu Ro
me / des treffentlichen Hauptmans nit entriete / gaben sie
der Junckfrawen seiner Tochter vierzig tausent silber
ling zur morgengab / vnnnd verheyraten sie Kerlich / aller
Keren ist der Römisch Rath / von solcher fürsehung we
gen werdt gewesen / vnnnd noch werder / der Scipio der
mer lobß auß der armut erlangt / weder niemandt vor
ime auß dem Reichthumb / vnd zwar / wann man hinder
sich / auff die alten Geschichte / vnd Historien sicht / so ist al
lein zu der zeyt / das Römisch Regiment am achtbarsten
gewest / da sich ire Bürger der armut rühmbten / vnnnd
freweten / dann die alten habens darfür geacht / Das der
Reichthumb / dem gemainen nutz / vnd nicht sunderbarn
Personen zugehöre / da aber das groß gut inn sunderbar
rer Personen hende wächst / geet es an das stolzieren / ney
den / hassen / verdrucken / ains des andern / darauff entlich
aufftörn / vnd verderben folgt / Aber wo gerate ich hin /
mit angefangener Rede / Von dem wolt ich sagen / ob
auch ein armer Adlicher Mann möcht mildtreich sein /
vnd die self tugendt erzaygen / ja sag ich / dann die vor er
zelten theuren Menner / sind liberal / vnd mildt gewesen /
da sie jr leib vnd leben / für das vaterlandt dargesetzt / den

... die ...
... die ...
gemainen nutz gemeret / vnd irer ämpter on thadel auß
gewart haben / so ist nit allein die mildtreichheit / in gelt oder
gut außspenden / sunder allermaist an dem gelegen / das
einer dem andern trewlich Rath / ime mit seinem leyß inn
nörten zuspring / oder wo er felschlich anklagt / vnd vmb
zogen würdt / ime mit vernünfftigen wortten vnd vrsach
en erledige / welchs die aller höchst mildtreicheyt / Also ist
Cicero / also Demostenes / Hortensius vnd ander gebreich
gewest / welche manchen bey seiner habe vnd gut / ja auch
bey leyß vnd leben erhalten / Wer will alle obemelte herr
liche personen / nit für Edel halten / Darumb mag wol
gesagt werden / die tugend vnd der Adel sey ein ding / das
dem glücks sahl gar nit vnterworffen / dadurch der
mensch frey vñ keinem laster noch schand aygen gemacht
würdt / vnnnd ist Tugendt vnnnd Adel ayn ding / soll kan
vnd mag / von einander nit getailt / noch eins on das an
der sein / Eben wie das nutzbar vnnnd Kerlich / nach der
mainung Ciceronis / daneben würdt aber / die freygebig
handt keins wegs veracht / sunder billich gelobt / allein
das sich die self gegen Kerlichen / tugentlichen / verdiens
ten personen / vñ nit gegen den satz oder schalecks Tyrren /
oder auff einen truncknen abent / mit morgenlicher rewe
auffthu / Es sol auch solche mildtigkeyt / meniglich on
schaden sein / Nit das einer einem lappaten Hofman heit
Tausent güldin schenckt / vñ morgens das self / wider auß
den vnterthanen oder andern vnschuldige schindt / Als C.
Marius. L. Silla. M. Anthonius / vnd ander Tyrann
nen gerhon / die den frummen Bürgern irn schwaif / vnnnd

Blut / gewaltiglich namen / vnn den aller lasterlichsten
Büben vnn mördern gaben. Inn Summa vom waren
Adel zu beschliessen / sol der Edel ein Held / vnd standt
hafft man sein / starck vnd vnwanckelbar / sich selbs vber-
winden / den zorn vertrucken / die vbrigen wollust verache-
ten / inn allen dingen maß halten / sich das widerwertig
glück / nit lassen zu hart anfechten / sich im sieg vnd glück
nit gailn / sol allmal lieber in der that / den allein im schein
oder geschray wöllen erfunden werden / Die Kergeyzig
kreyt fliehen / die gerechtigkeit lieb haben / den frummen
vor dem bösen verthedigen / den geleerten vnn tugent-
samen vnterschayden / vn also leben / Wie Publius / Scipio /
C. Lelius / Marcus Catho / Licurgus / Solon zc. So
vnd als dann / würdt billich gesagt / das Regiment hab
glück vnd hail / vnd stee inn anffnehmen / Dann es werd
von Edlen klugen Mannen gefürt / Ein solcher ist vn-
gezweyffelt Tuisco / von dem die Teutschen herkommen /
vnd den namen haben / gewest / Er komie dann von Noe
Jano oder Bacho / als mancherley mainung seyen / vnd
hernach Mannus sein Sun / desgleychen Sueuus /
Marsus / Arionistus / Arminius / Carolus der groß / Hein-
rici / Ottones die Edlen Sachssen / Hessen / vnn ander
vil mer / O das zu iren zeyten bey den Teutschen / die hold-
seligen ymmerwerenden Kunst vn Geschichtschreyber / im
brauch gewesen / O wölt Got sag ich / das ire Werliche ge-
thaten beschriben wern / so würdt sich alles was hie oben
löblich erzelt ist / vnd vil mer tugenden / weder an den er-
nanten Römern erfunden / dardurch sie zu sollichem vn-

sterblichem lobe künmen / das auch die feindt / sie haben vn-
ausprechlich preysen / vnn fürnemlich Julius der erst
Keyser sagen müssen / Arioniscus der manlich Teutsch
Schwaben / die streytbar / die vnaberglaubigen / war-
hafften trewen Teutschen / Cornelius Tacitus / kan dem
vnüberwindlichen Arminio / nit gnug lob sprechen / vn-
angesehen / das er Varum den Römischen Hauptman /
mit allem seinem hore / eins mals erlegte / vnd so gar ver-
tilgte / das Rom kein harttere / vnd grössere niderlage ye
erlitten / wie das des Keyfers Augusti schmerzlich laid
bezeugt / da er den kopff mer als ainist / wider die wendt
schlug / offtmals sagende / Vare Quintili / Vare Quinti-
li / bring das verloren here wider zc. gedachter Arminius
ward auch solcher dapfferkeit / das die Walhen / vor ime
erzitterten / wann sie seinen namen hörten nennen / wisten
ime auch anders nit abzuprechen / dann mit verretterey /
dardurch sie ime giffte haymlich zubrachten / O wee der
verferten sinn vn art / psuy der ewigen schand / O wol den
menschen / die vor solchen sitten / vn vbel abscheuch tragen.
Vermaledeyt aber seyen die / so also mit abstellung des le-
bens nach hürischer art / haimlich mördern / vn tod schlagē
da weyt dannen / da weyt von / ir frummen Teutschen / vn
was darff es vil erzelens / wie Adelich / vnd fürtrefflich
die Teutschen / ye vnd alwege gewest / so sie durch ire stat-
liche vernunft vnn herrliche gethaten / das Römisch
Reich an sie gebracht / vnd nun ob. 800. Jarn erhalten
habē / welches ye durch vnvernunft / faulkeyt / vbrig wol-
lust / vngerechtigkeit / aygennützigkeit / fällerey vnd schlaf

Saltz anflay wider den pabst etc.

fen/nit zu gänge/da hat eigentlich die höchste tugent/vñ
der höchst Adel geleuchtet / darumb die Teutschen Für-
sten billich hernach durchleuchtig genent werden / Ich
laf mich auch hiebey nit iren / das etlich Römisch der
geystlichen Geschichtschreyber / solche Lere/vnd herkun-
men/des Teutschen Keychs/den Bábsten zulegen / vñnd
das es darumb geschehen/dieweil die Teutsche für streyt
bar erkent/vñnd der Bábst seinen stul/nicht anderst/dann
mit gewalt/zu erhöhen/vñnd zu erhalten gewist / das er
die Teutschen/an die handt genommen/vñnd ine das Röm-
misch Reich befolhen/der mainung das sie als der schrift
vñnerfarne/der glaubens sachen ewig / vñuerstendig sein/
vñnd ine bey allem seinem vorhaben / schützen/vñnd handt-
haben werden/ vñnd solten / als sie dann einen Römischen
Keyser / noch einen beschirmer der Römischen Kircha
ein nennen / es mag wol etwas zünfachen thun / ist aber
der grundt hey weytem nit / dann man wayst das vor
jaren die Bábst zu geschweigen die Bischoffen/durch die
Keyser/vñnd das Teutsch Reich gesetzt/vñnd entsetzt wor-
den / Es habensich auch die Henrici vñnd Ottones / nit
ein mal thetlich/wider die Bábst gesetzt/vñnd zwar hetten
sie so vil grundts vom Bann/vñnd der heyligen schrift ge-
habt/als yetzt die vermainst schanckung Constantini vñnd
zu mal der vñnpeterisch bracht/vññ Reichthum/wurd dem
Bábst fern sein / Es würd sich aber villeycht mit der zeyt
selbs finden/wie es verlorn ist / vñnd damit ich ende mach/
waif die Römisch Keyserlich Mayestat vnser aller gne-
digister Herre / Carolus der Fünfft/das Edelblüt/von

*Ein
Krieg
zu
den
König
zu
den
König
zu
den
König*

*Leuzum/der fündt/der zehny dem Kaiser, zu
Gering wider den pabst etc.*

dem löblichen Teutsche haus Österreich entsprossen/alle
löbliche Teutsche Fürsten vññ Adel wissen/hat von yewel-
ten here Teutschland/verstand / Reichthum / Manheyt
vññ ander tugent gehabt/das sy die diser zeyt/ ob sie verle-
gen oder vergraben gewest / her für zusuchen/keins wegs
mer schalffen/ruhen/noch verziehē sollen. Dañ da ist der
erbfeind Christlichs namēs der Türck/dort sein anhang]
da zwitragt/verfolgung/neyd vññ verhassung/kein frid/
kein Recht/wenig billicheit/ yetzt werd jr ewr sterck/ver-
hünfft vññ Adel notwendigklich/mit der that erzagen/
oder vñnter der Bürde erligen / vñnd ewr namen erleschen/
Das Keych von euch kumen/vñnd ewr Adel ein andern
(welchs der höchst fluch ist) sambt landt vñnd leüt/weiß
vñnd kinde lassen müssen. Damit jr aber inn die fußstapf-
fen ewr Voreltern zutretten/ vñnd iren Adelichen Helden
thaten/nach zusolgen / destmer vsach vñnd lust tragen
mügend / So hab ich ewr eines yeden / vñnd des ganzen
Teutschen Reichs Wappen/Schild vññ Helm/vom höch-
sten an/biß zum nidersten/mit fleiß abmalen lassen/Luch
habt ewr stammen vñnd Eltern gethaten zu erinnern/zu
erfrewen/vñnd der gleichen/als sie zuthun/ Das geruchen
von mir mit gnaden anzunemen.

*Das
Zur
dem
am
h
zu
wie
ein
vññ
vññ
vññ
vññ
vññ*

Gedrückt zu Nürnberg durch
Christoff Gutfnecht.